

BINDURA UNIVERSITY OF SCIENCE EDUCATION



LUKWALO GWEBIMBISA KUNA BAYINOHINGIDZANA NABO

NGINISO

Bindura University of Science Education (BUSE) inozwipila wanisa mihingo yenhambo yapehugwi kunayibo bose bayinohingidzana nabo, banopetela badiyiwa, badiyi nebanodludzana nayo. Lukwalo gwebimbisa kuna Bayinohingidzana nabo igogu golakidza zwipila kwayo hingila patjena, zwimililila, neyendila mbeli imilidzila zila dzezwana nebayinohingidzana nabo. Tjinangwa tjabo ndetjewanisa bugalo gunobvumila hinga zwibuyanana tjinobhatsha pazwidiyo, hakuludzo nepfumbila kwenhu ikuludzila nlenje wepetela nelemekedza bose nesimulugwa kukulisiwa mikumbulo mitshwa.

MBONO

Kuba yunivesithi inozibgwa nepasi lose pabhula badiyiwa banotubula handula zwinhu kakale bana butjenjebvu gwesimulula zwihingiswa zwitshwa.

N'HINGO

Kubhula badiyiwa banothaalilila n'hingo, banaluzibo, bunyambi nebanotubula simulula zwitshwa nebutjenjebvu gwezweabhizinesi kubva padiyiwa, hakuludzo, simulugwa nekulisiwa kwemikumbulo mitshwa nebamba zwinhu nemihingo inohandula mabhizinesi nemitunhu.

ZWIKUDZIWAMONGO

- Bimbika
- Nsiyano
- Butjenjebvu gwebamba zwitshwa
- Zwipila
- Zwidiyo zwakananga Badiyiwa
- Hingidzana

BAYINOHINGIDZANA NABO

- Badiyiwa (bamuno nebakuhhe kwehangho)
- Khansili Yakamilila Badiyiwa
- Bakatongoba badiyiwa beYunivesithi bakatjipedza zwidiyo zwabo
- Badiyi
- Bazwadzi
- Banowanisa Yunivesithi mihingo yakasiyasiyana

MIHINGO

- Diya neDiyiwa
Nkumbulo wezwidiyo zwakanayila kunhaka yedu (*Heritage-based Education 5.0*) ndiwo unotungamidza mbhudililo dzendongoloso dzezwidziyo zwinowanisiwa neBindura University of Science Education (BUSE).
- Hakuludzo neTshambidzigwa kweDziwhalo
Yunivesithi inoyendila mbeli idzwala dzimari muzwibakwa zwinobhatika nezweluzibo kudze ibambe bugalo gunobvumila negunokuludzila hakuludzo netshambidzigwa kwedziwhalo dzakafanila.
- Hingidzana neTjaba
Senlandu wekampani webhatisana nezwitjaba, Yunivesithi inobhatikana mundongoloso nemuzwiyeto zwakasiyana zwemitunhu
- Zwidiyo Zwinosimulula neKulisa Mikumbulo Mitshwa
Dula leMikumbulo Mitshwa leBindura University of Science Education (*Innovation Hub*) lobhatsha badiyi nebadiyiwa musimulula nekulisa mikumbulo mitshwa kubvumilana nenkumbulo we-Education 5.0. Inohandula hakuludzo idzithama kuti dzihandudzane nebulemo gunoyetika mumitunhu, muhangano nemupasi lose.
- Zwidiyo Zwinosimulula Bambiwa kweMabhizinesi
Bindura University of Science Education inohanganya simulugwa kwemikumbulo mitshwa nebambiwa kwemabhizinesi muPaki yeMabhizinesi yayo (*Industrial Park*) kunoba iko handula mbhudililo yehakuludzo iba zwinhu zwinobhatika nemihingo.

ZWISUNGO ZWEMIHINGO

Zwisungo zwemihingo zweBUSE zolakidza zwipila kwedu

kuwanisa lulwamisiwa kwebulemo kwakafanila kakale kuli kwenhambo yapehugwi kunothamiwa nelubaka.

ZWIPILA KUNABAYINOHINGIDZANA NABO

BUSE inozwipila londolodza zwisungo zwemihingo zwenhambo yapehugwi kudze ihandudzane tjoselele nezwido zwebayinohingidzana nabo. Zwipila kwedu kopetela:

- Lebelesana nelubaka: Inobona kuti bayinohingidzana nabo banowamutjila n'handulo dzemibhuzo yabo nelubaka kakale dzinowhika.
- Wabililika: Wanisa bugalo gunobvumila wabilila zwibakwa zwemahhuba angwenu neluzibo gunowanika mumatula emahhuba angwenu edijithali.
- Lemekedzo neBululwami: Bhata bose bayinohingidzana nabo nezila yakafanana, inolemekedza nsiyano webuwahola, bunhuni, bugalimoyo nemabvilo.
- Pfumbidza kunoyendila mbeli: Gala kulingisiwa butshwa nemilidzila lunako gwemihingo yedu kudze iyendilane nezwiwitiko zwibuya nezwakalingiligwa nebayinohingidzana nabo.

NDULAMILO DZEBAYINOHINGIDZANA NABO

Banohingidzana neBUSE banandulamilo dzinotebela:

- Zwidiyo zweNhambo Yapehugwi: Wabilila ndongoloso dzezwidziyo dzinowhisika nedzinohandula.
- Zwibakwa zweMahhuba Angwenu: Wabilila bugalo gwediyigwa, matula ezwehingisa, nethekinoloji kose kwakalondolodzeka.
- Bhakhwa nezila yakasumbikika: Simisa kuti luzibo nekwenhu gobhakhwa nezila yakasumbikika.
- Hogwa kunaBululwami: Kwakalingiligwa kuti kube neholeseso dzipatjena, dzakalulwamila bose kakale dzakatambunuka muzwidziyo.
- Lemekedzo muLezwana: Ndulamilo dzewana n'hingo mbuya, wakanayila kubutjenjebvu kakale unohandudzana nezwido zwabo gose lubaka.

MILANDU YEBAYINOHINGIDZANA NABO

Kudze kulondolodzewe dlidzana kubuyanana neBUSE, kwakalingiligwa kuti bayinohingidzana nabo:

- Bawanise Luzibo gweLebeswa: Bona kuti luzibo gose gwapiwa gwakapelela kakale gulebeswa kudze kuwanisiwe n'hingo wakafanila.
- Bazibise Mibono yabo neLubaka: Kobelana mibono nekwemihingo yawamutjigwa kudze babhatshe muyendila mbeli kumilidzigwa bumo gwemihingo.
- Balemekedze Milayo yeYunivesithi: Tebedzela nhungamidzo dzeBUSE kulemekedzewe ndulamilo nezwido zwebamwe.
- Bahhadzise Zwisungo zweDzimari: Lipila mihingo yose inohaka dzimari nelubaka kudze yunivesithi ihinge zwibuyanana.
- Bamilidzile Tjimilo tjeYunivesithi: Londolodza nemilila zwikudziwamongo zwibuya nebimbika kweBUSE.

ZIBISA MIBONO NEZWINOMANIKANYA

BUSE inokudza zibisa mibono kwebayinohingidzana nabo, ikulinga setjinhu tjinokudzika pamilidzila mihingo yenhambo yapehugwi. Bayinohingidzana nabo banokuludzigwa kuti bazibise zwinobamanikanya, zwabanohanhila kene zwabanokuludzila behingisa zila dzinotebela:

Imeyili: advancement@buse.ac.zw

Zwihhila seNhu: Ungatikumba kumawhofisi e-Advancement and Public Affairs nelubaka gwen'hingo.

N'hala: +263662107619

Ludandi: www.buse.ac.zw

Bumba neBumba Lemangwana: Bumba Zimbabwe